




PARLAMENTO DI KÒRSOU

Parliament of Curaçao • Parlamento de Curazao • Staten van Curaçao



Na: Presidente di Parlamento di Kòrsou
Sra. Ch. America-Francisca
Wilhelminaplein 4
Presente

Kòrsou, 8 yùli 2024

Tópiko: Pregunta na Minister di Tráfiko, Transporte i Planifikashon Urbano
Sr. C.Cooper riba e kasnan bo di maneho di Woningbouw NV.

Honorabel sra. America-Francisca,

Señora Presidente, pa medio di e karta aki suskrito ke hasi uso di artíkulo 96 di Reglamentu di Òrdu i ta pidi enkaresidamente pa bo persona por dirigí e karta aki ku e tópiko; 'Kasnan bou di maneho di Woningbouw NV' na Minister di Tráfiko, Transporte i Planifikashon Urbano Sr. C.Cooper.

Atentamente,

Ana Maria Pauletta
Miembro di Parlamento, Partido Alternativa Real





PARLAMENTO DI KÒRSOU

Parliament of Curaçao · Parlamento de Curazao · Staten van Curaçao

PRESIDENTE DI PARLAMENTO
DI KÒRSOU

Na
Minister di tráfiko, Transporte i Planifikashon Urbano
Sr. C.F. Cooper
Seru di Arrarat Parsela C
Presente

Willemstad, 9 di yùli 2024

Bo referensia:

Bo karta:

Nos number:

23-24/01082-0

Tópiko: Preguntanan konforme artíkulo 96 di Reglamento di Òrdu.

Apresiabel señor Minister Cooper,

Konforme artíkulo 96 di Reglamento di Òrdu di Parlamento di Kòrsou, mi ta dirigí un karta na señor Minister ku 6 pregunta di miembro di Parlamento señora A.M.V. Pauletta.

Nos ta keda pendiente pa e kontestanan.

Atentamente,

Presidente di Parlamento,

Sra. Ch.M. America-Francisca



PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

Minister di Tráfiko, Transporte i Planifikashon Urbano
Na minister C. Cooper
Seru di Ararat, Parsela C
Presente

Kòrsou, 7 di yùli 2024

Tópiko: Kasnan bou di maneho di Woningbouw NV

Apresiabel Minister sr. Cooper

Por medio di esaki, suskrito ta trese na Minister su atenshon e tema di e kasnan di Woningbouw NV. E historia di e kasnan aki, ta bon konosí pa Minister i tambe ministerio di VVRP. Na aña 1996, gobièrnu di Kòrsou a disidí pa e bende e kasnan ku e habitantenan. Tambe a tuma e desishon pa disolvé e kompania di gobièrnu Woningbouw NV.

Durante diferente reunion Parlamento di Kòrsou por medio di moshon a fortifiká e posishon di gobièrnu i urgi gobièrnu pa ku un sentido di urgensia yega na benta di e kasnan. Na aña 2018 Parlamento a reuní último biaha riba e tópiko di benta di kasnan di Woningbouw NV, den kua a deliberá ku tantu e habitantenan, komo ku e direktiva anterior di e NV. Despues di e reunion e ministerio a logra intervení pa den añanan 2018 i 2019, bende 13 di e kasnan. Di e kuenta anual di aña 2021, suskrito por dedusí ku a a sobra di e 167 kasnan, 38 kas.

Den kombersashon ku e habitantenan suskrito ta komprondé ku ainda no tin un solushon duradero pa benta di e mas òf ménos 38 kasnan ku a sobra. Habitantenan a trese e posibilidat pa 'huurkoop' dilanti, un proposishon ku sr. Cooper komo miembro di Parlamento a sostené. Komo promé punto suskrito ta hopi interesá pa sa kon e proseso aki ta kanando.

Di dos suskrito kier un bista kua ta e kaminda ku a enkaminá pa traspaso di e kasnan pa FKP, pa asina por disolvé Woningbouw NV. Sigur si mira e debakel finansiero di FKP, e opshon aki ta di preokupashon i difísil pa realisá.

Ya ta 28 aña pasá ku a tuma e desishon pa bende e kasnan ku e habitantenan, suskrito ta ripará ku meskos ku e kasnan sosial bou di maneho di FKP tin hopi difikultat pa finalisá e benta di kasnan, apesar di e deseo di tantu gobièrnan, parlamento i e habitantenan. Benta di e kasnan ta basá riba e pensamentu ku gobièrnu kier fasilitá ku un grupo den nos komunidad por yega na un kas propio. I komo miembro di Parlamento, suskrito ta sostené e pensamentu aki, burokrasia no por stroba e desaroyo aki.



PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

A base di e puntonan trese dilanti, suskrito tin e siguiente preguntanan:

1. Minister por informá parlamento, ki dia ta e último biaha ku minister a sinta ku direktiva di Woningbouw NV i tambe e habitantenan? Minister por informá Parlamento si e direktiva di Woningbouw NV a reuní ku e habitantenan, durante e último añanan.
2. Último kuenta anual ku Parlamento ta disponé di dje ta di aña 2021, minister por fasilidá Parlamento e último kuenta anual ouditá di Woningbouw NV?
3. Minister por fasilidá Parlamento e 'plan di akshon' pa benta di e kasnan?
4. Minister por informá Parlamento kua ta e status di e traspaso di e kasnan pa Fundashon Kas Popular?
5. Minister por konfirmá ku ainda Minister ta habri pa e posibilidat pa e habitantenan di e kas por kambia nan kontrato di hūr pa 'huurkoop' ?

Na 30 di ougùstùs 2022, minister a instalá un grupo di trabou ' werkgroep sociale woningbouw' pa traha un 'visiedocument' pa promové konstrukshon di bibienda sosial ku sr. Davelaar na kabes. Despues di un aña e komishon mester a presentá nan.

6. Minister lo por informá Parlamento si e grupo di trabou a finalisá e dokumento? I minister lo por fasilidá Parlamento e dokumento di vishon aki?

Danki di antemano,

Ana Maria Pauletta

Miembro di Parlamento, Partido Alternativa Real

